

Ulloq: 18. maj 2020
Allaffik: Nordatlantkontoret
Suliarinn.: Malene Lyunggaard
Sulap nr.: 2019-490-0134
Dok.: 1468628

EQIKKAANEO

**Kalaallit Nunaanni eqqartuussisarnermik inatsisip
allanngortinnissaanut inatsisissatut siunnersuummut missingiut
(Pinerlunnernit eqqorneqartut inatsisitigut inissisimanerannik
pitsanngorsaaneq) kiisalu pinerlunnernit eqqorneqartunut
naalagaaffimmit taarsiissutit pillugit inatsisip
allanngortinneqarnissaanik inatsisit assigiinngitsut kunngip
peqqussutaatigut Kalaallit Nunaannut atortuulernissaannut
peqqussutissatut missingiut**

Kalaallit Nunaanni danskit suliassaqrifiisa ineriartortinneqarnerinik qallunaat naalackersuisuisa aamma Kalaallit Nunaanni Namminersorlutik Oqartussat suliaannut ilaasutut inatsisissatut siunnersuut aamma peqqussut suliaapput aammalu Kalaallit Nunaanni pinerluttulerinermik suliani pinerlineqartut inatsisitigut inissisimanerisa pitsanngorsarnissaat siunertaalluni.

1. Eqqartuussisarnermik inatsisip allanngortinnissaanut inatsisissatut siunnersuut

Danskit eqqartuussisarnermik inatsimmik allannguutininik sisamanik tunngaveqarpoq, makkunuunatigut naammassineqartunik, Eqqartuussisarnermik inatsimmik allannguneq pillugu inatsit nr. 517, 6. juni 2007-meersoq aamma eqqartuussisarnermi akiliuteqartarnej pillugu inatsit (pinerlineqartut inatsisitigut inissisimanerannik pitsanngorsaaneq), eqqartuussisarnermi inatsimmik allannguneq pillugu inatsit nr. 412, 9. maj 2011-meersoq aamma pinerlunnernit eqqorneqartut naalagaaffimmit taarsiivigineqartarnerat pillugu inatsit (aneertoqarnissaani aamma iperagaasoqarnissaani il. il. ilisimatitsineq aamma pinerlunnernit eqqorneqartunut naalagaaffimmit taarsiissuteqartarnermi politiinut unnerluuissinnaanerup sivitsorneqarnera), eqqartuussisarnermi inatsimmik allannguneq pillugu inatsit nr. 709, 8. juni 2018-meersoq (ilisimannittunik illersuineq annertusisaq) aamma, inatsit nr. 629, 12. juni 2013-meersoq (pinerlineqartunut ilisimatitsisarnermik aaqquussap annertusinera aamma pinerlunnernit eqqorneqartut naalagaaffimmit taarsiivigitinnissamut qinnuteqaataannik suliarinnittarnermut sinaakkutinik nukittorsaaneq) inatsisissatut siunnersuutininik. Inatsit nr. 517, 6. juni 2007-meersoq pillaasarnermi suliani pinerlineqartup eqqartuussinermi inatsisitigut inissisimanera pillugu Strafferetsudvalgip isumaliutissiissutaanik nr. 1485/2006-imik tunngaveqarsimavoq.

Inatsisissatut siunnersuutip *siullertut* siunertaraa pinerluttulerinermi suliani pinerlineqartup eqqartuussinerni inatsisitigut inissisimanera nukittorsarneqarnissaa, ilaatigut pinerlineqartumut imaluunniit taassuma qanigisatut qimataanut politiit ilitsersuinissamut pisussaaffiannik naliginnaasuus-samik eqquusisoqarnissaa siunnersuutigineqarluni. Aammattaaq pinerluttulerinermi suliamut atatillugu aalajangiinerit assigiinngitsut pillugit pinerlineqartoq imaluunniit taassuma qanigisatut qimatai ilisimatinneqartassasut siunnersuutigineqarpoq.

Inatsisissatut siunnersuutip *aappaattut* siunertaraa pinerluttoq iperagaappat imaluunniit inissiisarfirmiinnermini tv-kkut imaluunniit radiokkut aalla-kaatitassiamut Kalaallit Nunaanni aallakaatinneqartussamut peqataappat imaluunniit Kalaallit Nunaanni atuagassiamut saqqummersartumut immik-kut ilisaritillugu apersorneqarpat, pinerlineqartup ilisimatinneqarnissaminut periarfissaata annertusarneratigut pinerluttuliornermut eqqugaasunut suli-

niuteqarneq pitsanngorsassallugu.

Pingajuattut inatsisissatut siunnersuummik eqqunneqassapput, pinerluttulerinermi suliani ilisimannittunik illersuinerup annertusarnissaanik siunertaqartut suliniutit arllallit ataani sukumiinerusumik nassuiarneqartut.

Tamanna tunuliaqutaralugu inatsisissatut siunnersuut sammisanik pingaarnernik tulliuttunik imaqarpoq makuninnga:

- *Ilitsersuineq aamma paasisutissiineq*: Pinerlineqartumut imaluunniit pinerlineqartoq toqukkut qimagussimappat, pinerlineqartup qanigisatut qimataanut, pineqartup inatsisitigut inissisimanagera pillugu, ilitsersuisarnissap politiinut pisussaaffittut eqqunneqassasoq siunnersuutigineqarpoq. Siunnersuutip ilaatigut malitsigivaa, pisariaqartitsineq naapertorlugu pinerlineqartoq ilitsersuunneqassasoq soorlu, pinerluttulerinermi suliani saqitsaannermut tunngatillugu piumasqaateqarsinnaaneramik, pineqartup taarsiivigitittarnermut inatsit naapertorlugu pisinnaatitaaffiinik kiisalu pinerlineqartup pisinnaatitaaffiinik pisussaaffiinillu suliami ilisimanittutut. Ilitsersorneqarnissamik pisariaqartitsineq suliamiit suliamut assut allanngorartartussaavoq, ilitsersuinissamullu pisussaaffiup erseqqinnerusumik imarisai annertuutigut pinerluttulerinermi suliani ataasiakkaani pissutsit qanoq innerat naapertorlugu aalajangerneqartassallutik.
- *Ilisimatitsineq aamma maalaaruteqarsinnaaneq*: Pinerlineqartup eqqartuussivikkoortitsinermi inatsisitigut inissisimanagera nukittorsarniarlugu pinerlineqartoq, imaluunniit pinerlineqartoq toqukkut qimagussimappat, pinerlineqartup qanigisatut qimatai unnerluussutit itigartitsinneqarnerannik, unnerluussutit taamaatinneqarnerannik aamma unnerluussutit tunuartinneqarnerannik aamma unnerluussinernik aammalu eqqartuussutissap isumaqatigiinniutigineqarnissaata piffissaanik sumiiffissaanillu ilisimatinneqartarnissaat siunnersuutigineqarpoq. Suliaq suliareqqitassanngortinneqarpat ingerlateqqinneqalerpalluunniit, pinerlineqartoq imaluunniit pinerlineqartup qanigisatut qimatai noqqaassuteqarnikkut aamma tamakku pillugit ilisimatinneqartassapput. Kiisalu siunnersuutigineqarpoq, pinerlineqartoq aamma allat pinerluttulerinermi suliami saqitsaannermut tunngatillugu piumasqaateqarsimasut eqqartuussiviup pisumasqaammut tunngatillugu aalajangernerminik ilisimatittassagai aammalu pinerlineqartoq ilisimatittassallugu eqqartuussutip allanneqarneramik, tamatuminnga pinerlineqartoq noqqaasimappat.

- *Pinerlineqartumut ikiuuttussamik toqqaaneq:* Pinerlineqartumut ikiuuttussamik toqqaasarneq pillugu malittarisassanut atuuttunut ilassutitut aalajangersakkamik atuutilersitsisoqassasoq siunnersuutigineqarpoq, taamaalilluni eqqartuussivik pisuni immikkut ittuni pisariaqartitsisoqartillugu pinerlineqartumut ikiuuttussamik toqqaasinnaangorluni. Pisumi eqqaaneqartumi pisariaqanngilaq, inatsisunik unioqqutitsineq aalajangersimasumik pissuseqarnerseq aalajangiisuutissallugu, kisiannili suliami pissutsit piviusut, pinerlineqartumut ikiuuttussamik toqqaanissamut periarfissaqartariaqarneranut tunngaviliisut. Aammattaaq maleruagassamik atuutilersitsisoqassasoq siunnersuutigineqarpoq taamaalilluni eqqartuussivik, qanigisaasut eqqarsaatigalugit pissutsini immikkut ittuni, pinerlineqartoq pinerlunnerup kinguneranik toqukkut qimagussimappat, pinerlineqartup qanigisatut qimataanut ikiuuttussamik toqqaasinaalluni.
- *Pinerlineqartup eqqartuussinerini najuussinnaanera:* Siunertavortaaq, matoqqasumik ingerlatsinerup siunertaanit tamanna ajornartinneqanngippat aalajangersakkamik atuutilersitsisoqassasoq, taamaalilluni pinerlineqartoq eqqartuussinerimi ingerlatsinerit matoqqasut najuuffiginissaannut pisinnaatitaaffeqassalluni. Noqqaassummut taamaattumut isummerfiginninnissamut eqqartuussisut siulittaasuat aalajangiisuusaaq. Suli naliginnaasumik pinerlineqartoq, nammineq nassuiaateqartitaanissani sioqqullugu, eqqartuussinermut matoqqasumut najuussinnaassanngilaq.
- *Aneertoqarnissaanik aamma iperagaasoqarnissaanik il. il. ilisimatitsineq:* Siunnersuutigineqarpoq, suliani pinerluttulerinermi inatsimmik sakkortuumik unioqqutitsineq pissutigalugu isertitsivimiinnissamik eqqartuussutini, tamatumani nakuuserneq, sioorasarineq, kinguaassiuutitigut pinerlunneq imaluunniit inunnt pinerlunerit allat pineqartillugit, eqqartuussap siullermeertumik ingiallorteqarani aneertitaanera aamma iperagaanera pillugit ilisimatinnegassaaq, tassunga ilagitillugu misiligutaasumik iperagaasoqarsinnaaneranut aamma pinngitsoortitsisinnaanermut tunngasunik, pinerlineqartoq tamatumunnga noqqaassuteqarsimappat. Pinerlineqartoq toqukkut qimagussimappat, pineqartup tamanna noqqaassutigisimappagu, pinerlineqartup qanigisai ilisimatinnegassapput. Pinerluttoq pillugu eqqarsaatigisassanik annertuunik atuuttoqartillugu, ilisimatitsinissaq itigartitsissutigineqarsinnaavoq. Aammattaaq eqqartuussutip naammassinerata tungaanut pinerluttoq iperagaasimanani eqqartuussineq sioqqullugu tigummineqarsimappat, ilisimatitsisarnermik aaqquissuusaaq taamaallaat atuutissasoq, aalajanger-

sakkami siunnersuutigineqartumi aalajangerneqarpoq. Aamma siunnersuutigineqarpoq, pisuni taamaattuni pinerlineqartoq noqqaassuteqarnermigut ilisimatinneqartassasoq, pinerluttoq pineqaatissinneqarnermi nalaani oqatussat inissiivanni, tassannga inissiisarfimmit ilisimaneqartumik, aallakaatitassiamut tv-kkut imaluunniit radiokkut Kalaallit Nunaanni aallakaatinneqartussamut pingaarutilittut peqataappat imaluunniit atuagassiami Kalaallit Nunaanni saqqummersartumi immikkut ilisitarinneqarluni peqataappat. Tamanna aamma atuuppoq oqatussat inissiiviata avataani pinerluttoq tv-kkut imaluunniit radiokkut aallakaatitassiamut peqataappat, pisumi oqartussat inissiiviat pinerluttup anigallarnissaanut akuersaarsimasoq, ilisimallugu aallakaatitassiamut peqataanissaa.

- *Ilisimannittut nassuiaateqarneranni illersuineq:* Kiisalu ilisimannittunik saqqummiussisussanik annertusisamik illersuineramik siunnersuutigineqarput. Siullertut, pisuni immikkut pisariaqartitsiffiusuni ilisimannittup eqqartuussivimiinneranut atatillugu immikkut innimigineqarnissaa pillugu politiit eqqartuussivimmik ilisimatitsisarnissaat, aamma pisariaqartitsisoqarnera naapertorlugu eqqartuussiviup ikiuuttarnissaa, siunnersuutigineqarput eqqartuussisarnermi inatsimmi aalajangersakkamik ilanngussinikkut. Ilisimannittumit imaluunniit peqataasumit eqqortumik nassuiaasoqarnissaanut tamanna pisariaqartoq nalilerneqarpat, eqqartuussiviit inuit eqimattallu aalajangersimasut eqqaartuussinermut isernissamut itigartittassagaat siunnersuutigineqarpoq, tassunga ilagitillugu eqqartuussiviup sioqqutsisumik tamanna pillugu aalajangiisinaanissaa. Tamatuma saniatigut, ilisimannittumut immikkut innimiginninnermut tunngatillugu ungasissumit attaveqaatit assitalilit atorlugit ilisimannittut nassuiaateqarnissamut siunnersuutitigut periarfissat annertusineqarput.

Oqaaseqaatigineqarpoq, Kalaallit Nunaanni eqqartuussisarnermik inatsisip inatsisillu allat assigiinngitsut allanngortinneqarnissaannut inatsisissatut siunnersuutip (politiit pillugit aaqqissuusseqqinnermik, politiit naammagittaalliuutigineqarsinnaanerannik aaqqissuussinermik pilersitsinermik il. il. naammassinnineq), ataatsikkut atuutilertussatut naatsorsuutigineqartup, mallitsigisaanik kinguneqartumik inatsisissatut siunnersuummi ataasiakkaanik allannguisoqarumaartoq.

2. Pinerlunnernit eqqorneqartunut naalagaaffimmit taarsiissutit pillugit inatsisip kunngip peqqussutaatigut atortuulernissaanut missingiut

Peqqussut nr. 472, 25. september 1984-imeersukkut Kalaallit Nunaannut

atortuulersinneqartoq, pinerlunnernit eqqorneqartunut naalagaaffimmit taarsiissutit pillugit inatsit nr. 227, 26. maj 1976-imeersoq.

Inatsit kingusinnerusukkut ilaatigut inatsimmik nr. 233, 6. juni 1985-imeersumik, inatsimmik nr. 366, 18. maj 1994-imeersumik, inatsimmik nr. 463, 7. juni 2001-imeersumik, inatsimmik nr. 35, 21. januar 2003-meersumik aamma inatsimmik nr. 112, 3. februar 2012-imeersumik allanngortinneqarpoq, peqqussut nr. 1197, 21. december 1996-imeersumik, peqqussut nr. 1148, 26. november 2004-meersumik, peqqussut nr. 112, 3. februar 2012-imeersumik aamma peqqussut nr. 250, 20. marts 2017-imeersumik atuutilersinneqarluni.

Tamatuma saniatigut inatsit inatsimmik nr. 980, 17. december 1997-imeersumik, inatsimmik nr. 516, 7. juni 2006-imeersumik, inatsimmik nr. 711, 25. juni 2010-meersumik, inatsimmik nr. 412, 9. maj 2011-meersumik, inatsimmik nr. 325, 11. april 2012-imeersumik, inatsimmik nr. 158, 28. februar 2012-imeersumik, inatsimmik nr. 629, 12. juni 2013-imeersumik, inatsimmik nr. 285, 29. marts 2017-imeersumik, inatsimmik nr. 140, 28. februar 2018-imeersumik, aamma inatsimmik nr. 486, 30. april 2019-imeersumik allanngortinneqarpoq. Taamaattoq inatsisinut allannguutit taakua Kalaallit Nunaannut atortuulersinneqanngillat.

Allannguutit Kalaallit Nunaanni pisariaqartinneqarneri naapertorlugit, pinerlunnernit eqqorneqartunut naalagaaffimmit taarsiissutit pillugit inatsimmut allannguutit kingusinnerusut Kalaallit Nunaannut atortuulersinneqarnissaat pillugu Kalaallit Nunaanni Naalakkersuisut Justitsministeriamut qinnuteqarput.

Peqqussummut missingiummi siunniunneqarpoq, Kalaallit Nunaanni pisutsit apeqqutaatillugit, inatsisinut allannguutit kingusinnerusut Kalaallit Nunaannut atuutilersinneqassasut.

Inatsisinut allannguutit eqqarsaatigalugit, inatsit nr. 516 juunip 7. juni 2006-imeersoq (naalagaaffiup innarliisumut utertitsiteqqusinissamik piumasaqaataa pillugu § 17, imm. 2-mik ikkussineq), inatsit nr. 711, 25. juni 2010-meersoq (ukiukitsut pinerlunneri pillugit § 6, nr. 2-mut allannguut), inatsit nr. 325, 11. april 2012-imeersoq (Erstatningsnævni katitigaanera pillugu § 11, imm. 2-p nutaamik oqaasertalernera), inatsit nr. 158, 28. februar 2012-imeersoq (ukiukitsut pinerlunneri pillugit § 6, imm. 2-mik allanngui), inatsit nr. 629, 12. juni 2013-imeersoq (Erstatningsnævni katitigaanera pillugu § 11, imm. 2-p nutaamik oqaasertalernera) aamma inatsit nr. 285, 29. marts 2017-imeersoq (naalagaaffiup innarliisumut utertitsiteqqusinissamik piumasaqaataa pillugu § 17, imm. 2-mik atorunnaarsitsineq pillugu) malillugit, inatsimmut allannguutit Kalaallit Nunaannut atuutilersinneqas-

sannngitsut siunniunneqarpoq. Aammattaaq inatsimmi nr. 980, 17. december 1997-imeersumi, peqqussutikkut inatsit Kalaallit Nunaannut atortuulersissal-lugu inatsisitigut tunngavissaqanngilaq.

Eqqartuussisarnermik inatsimmik allannguneq pillugu inatsit nr. 412, 9. maj 2011-meersoq aamma pinerlunnernit eqqorneqartunut naalagaaffimmit taar-siissutit pillugit inatsit (aneertoqarnissaanik aamma iperagaasoqarnissaanik il. il. ilisimatitsineq aamma pinerlunnernit eqqorneqartunut naalagaaffimmit taarsiissuteqartarnermi politiinut unnerluussisinnaanerup sivitsorneqarnera), pillaatissiinermut inatsimmik allannguneq pillugu inatsit nr. 140, 28. februar 2018-imeersoq, pisassarisat pisoqaavallaalartarnerat pillugu inatsit, taarsii-sussaatitaanermik akisussaaffik pillugu inatsit aamma pinerlunnernit eqqor-neqartunut naalagaaffimmit taarsiissutit pillugit inatsit (meeqqanik kingu-aassiuutitigut atornerluineq pillugu suliani pinerluttup pillaatissiassatut aki-sussaaffianut aamma meeqqanik innarliineq, kinguaassiuutitigut narrunarsa-gaanermut taarsiivigineqarnissap annertuussusaata qaffanneqarnissaa pillugit suliani aqutsisoqarfiit oqartussaasut sumiginnaaneranun taarsiivigitinnis-samut piumasaaqatip pisoqaavallaalernissaanun piffissarititap atorunnaarsin-neqarnera, kiisalu pinngitsaaliineq, ilaquuttamik atoqateqarneq aamma kingu-aassiuutitigut meeqqanik atornerluineq pillugit suliani akunnernik 72-inik maleruagassamik atorunnaarsitsineq), pinerlunnernit eqqorneqartunut naala-gaaffimmit taarsiissutit pillugit inatsimmik allannguneq pillugu inatsit nr. 486, 30. april 2019-imeersoq (Erstatningsnævniimit suliap ingerlanneqartar-nerani piffissap appartinneqarnera il. il.) malillugit, inatsisinut allannguutit Kalaallit Nunaannut atortuulersinneqarput.

Taamaalilluni peqqussutissamut missingiutip ilaatigut malitsigivaa, poli-tiinut unnerluutiginninnissamut piffissarititamik sivitsuineq, tamatumunnga tunngatillugu aammattaaq aalajangersarneqarluni, taarsiiviginninnissaq suliassiissutini pillaatissartalinni ajoqusigaasimasup ajoqusiisumut taarsii-vigineqarnissamik piumasaaqateqarnera apeqquataatinneqassasoq. Tama-tumunnga atatillugu suliat aalajangersimasumik ilusillit sukumiinerusumik tullerriaakkat piffissaliussamut eqqaaneqartumut (akunernut 72-inut) ilaa-tinneqassannginneri pillugit aalajangersakkamik ikkussisoqassasoq siunni-unneqarpoq. Qinnuteqaatinik suliaqarnissamut Erstatningsnævniip piginnaa-titaaneranun naleqqiullugu piffissaliussamik naatsorsuineq pillugu aala-jangersakkat ilaannik allannguisoqassasoq aammattaaq siunniunneqarpoq. Tamatuma saniatigut, inatsimmi piumasaaqatit allat naammassineqar-simatillugit suliassiissutini pillaatissartalinni unnerluussaqqat pinngitsuutin-neqaraluarpalluunniit taarsiissuteqaataasussap tunniunneqartarnissaa pillu-gu aalajangersakkamik ikkussisoqassasoq siunniunneqarpoq.

Erstatningsnævniip innarliisumut pinerluttulerinermik suliaq inaarutaasumik eqqartuussutikkut aalajangiivigineqartinnagu, imaluunniit paasiniaaneq unit-

sinneqartinnagu, suliami pissutsit taamaaliornissamut pissutissaqartitsingippata, aalajangiisassannginnerat pillugu, kiisalu ukiut 2 sinnerlugit aalajangiisartut inaarutaasumik aalajangiinerisa kingorna piumasaqaat nutaaq saqqummiunneqarsimappat Erstatningsnævni pisuni taarsiissuteqarnissaq imaluunniit matussusiinissaq pillugu inaarutaasumik aalajangiisoqareersoq, unioqqutitsineq taanna pillugu qinnuteqartumit tassanga ilassutitut piumasaqaammik suliaqassannginnerat pillugu aamma peqqussummut missingiut aalajangersakkanik imaqarpoq. Illuatungaani pinerlineqartut eqqarsaatigineqarnissaannik aammalu illuatungaani Erstatningsnævni sulianik naammassineqarsimanngitsunik sivisoorsuarmik uninngatitsisoqassannginneranik naleqquttumik oqimaaqatigiisitsisoqarnissaa aalajangersakkami siunertarinqarpoq.

Kiisalu, 3.500 kr.-it angullugit nalilimmik piumasaqaammik sukkasuumik tunniussisinnanermi, qanoq ajoqusertigisoqarsimaneranik annertussulii-neq pillugu oqaaseqaammik Erstatningsnævni piniarsinnaanera pillugu aalajangersakkanik ikkussisoqassasoq siunniunneqarpoq, tassunga ilagitillugit inuussutissarsiorsinnaanermik annaasaqarnermik naliiliineq, naapertuusorineqarpat, pineqartoq sukkasuumik oqaaseqaammik tunniussisinnaasoq, Erstatningsnævni periarfissaa, Namminersorlutik Oqartussat isumaqatigiinniaqatigereerlugit - isertitanut nalunaarsuivimmit paasissutissanik pisariaqartunik qarasaasiakkut paasissutissaasivimmut isernissamut kiisalu taarsiivigitinnissaq aamma ajunngitsorsiaqarnissaq pillugu qinnuteqaat digitalimik nammineq suliaralugu tunniunnissaa pillugu malittarisassanik aalajangersaanissamut justitsministerip piginnaatitsinera.